



Broj: 05-04-20-2355-5/25
Maglaj, 04.06.2025. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-2355-3/25 od 03.06.2025. godine, u postupku javne nabavke „Nabavka klimatizacijskih uređaja“, Općinski načelnik donosi

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci klimatizacijskih uređaja dodjeljuje se ponuđaču „Kontax“ d.o.o. Zenica, u skladu sa ponudom broj 280525-P-01 od 28.05.2025. godine, po ukupnoj cijeni od 8.530,00 KM bez PDV-a, odnosno 9.980,10 KM sa uračunatim PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-2355-1/25 od 21.05.2025. godine, pokrenut je postupak javne nabavke „Nabavka klimatizacijskih uređaja“, putem konkurentskog zahtjeva za dostavu ponuda. Predmetna javna nabavka objavljena je na portalu javnih nabavki, obavještenje o nabavci broj 1140-7-1-60-3-59/25 od 22.05.2025. godine. Sažetak obavještenja o nabavci objavljen je u „Službenom glasniku BiH“, broj 32/25.

Procijenjena vrijednost nabavke je 8.547,00 KM bez PDV-a, odnosno 10.000,00 KM sa PDV-om, a kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske

dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene tri ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	"A/C servis" s.p. Golemović Bojan	Dragočaj bb, Banja Luka	29.05.2025. 09,38h	4765
2.	"Energocentar" d.o.o. Trn-Laktaši	Ul. Cara Dušana broj 134a, Trn, Laktaši	30.05.2025. 08,10h	4825
3.	"Kontax" d.o.o. Zenica	Goraždanska do br. 152, Zenica	02.06.2025. 12,50h	4914

Neblagovremenih ponuda nije bilo.

Zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, provjeravajući da li dostavljene ponude ispunjavaju zahtjeve u pogledu forme, ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

Komisija je utvrdila da ponude ponuđača "A/C servis" s.p. Golemović Bojan i ponuđača Energocentar" d.o.o. Trn-Laktaši ne ispunjavaju zahtjeve iz tenderske dokumentacije u pogledu opisa predmeta nabavke i tehničkih specifikacija. Naime, u specifikaciji robe koja je predmet ove nabavke, datoj u Aneksu 2 tenderske dokumentacije, za stavku pod rednim brojem 4, traži se između ostalog, maksimalna dužina cijevi 30m i maksimalna visinska razlika 20m. Oba ponuđača su za ovu stavku ponudili uređaj AURATSU OSAKA, model ATC-18CLHI/ATC-18CLHO, iz čije tehničke specifikacije, priložene uz ponude, je vidljivo da je maksimalna dužina cijevi 25m, a maksimalna visinska razlika 10m. S obzirom da ponudeni uređaji ne odgovaraju robi kakva je tražena tenderskom dokumentacijom, ove ponude su odbijene kao nepravilne.

E-aukcija u predmetnom postupku nije održana, jer je nakon pregleda i ocjene ponuda preostala samo jedna prihvatljiva ponuda, i to ponuda ponuđača „Kontax“ d.o.o. Zenica, sa ukupnom ponudenom cijenom od 8.530,00 KM (bez PDV-a), odnosno 9.980,10 KM (sa PDV-om).

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku klimatizacijskih uređaja dodijeli ponuđaču „Kontax“ d.o.o. Zenica. Preporuka je, zajedno sa izvještajem o radu Komisije, dostavljena rukovodiocu ugovornog organa 04.06.2025. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije

našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK

Maid Suljaković